



Inskrison (pididu) di Mass HAF

Sigi kes pasu dibaxu antis di kumesa inskrison di Mass HAF.

Dipos di dia **30 di junhu di 2023**, Mass HAF ka ta aseita más ninhun kandidatura.

Apartir di dia 1 di julhu di 2023, programa di Asisténsia Rizidensial pa Famílias en Tranzison (RAFT), finansiadu pa Stadu, ta sta dispunível pa dónus di kaza di rendiméntu baxu ki sa ta kóre risku di izekuson di ipotéka. Na kel altura la, dónus di kaza ki ta kualifika pode kandidata pa RAFT atravêš di [Portal di Asisténsia na Pagaméntu di Abitason di Imerjénsia](#) di Dipartaméntu di Abitason y Dizenvolviméntu Kumunitáriu.

Pasu 1 KUALIFIKASON

Analiza rikizitus di kualifikason.

Bu ta satisfaze tudu rikizitu dibaxu?

- ✓ Mi é dónu Y ta mora nun kaza unifamiliar, kondumíniu, ô kaza di 2, 3 ô 4 família na Massachusetts
- ✓ N perde rendiméntu ô nhas dispéza di moradia subi dipos di 21 di janeru di 2020 pamódi COVID-19..
- ✓ N tene peluménus 3 pagaméntu di ipotéka atrazadu désdi 21 di janeru 2020.
- ✓ N sta déntu di limiti di rendiméntu di 150% ô ménus di rendiméntu medianu di ária (AMI). Konsulta pasu 2 pa verifika kualifikason di rendiméntu.

Pasu 2 PRÉ-SILESON

Prenxe kistionáriu di pré-sileson pa konfirma ma bu ta kualifika y satisfaze rikizitus di rendiméntu. Pré-sileson sta dispunível na massmortgagehelp.org/prescreening

Pasu 3 DUKUMÉNTUS

Si bu ta kualifika pa inskreve, djunta dukuméntus izijidu y pripara pa mandá-s na portal di inskrison online. Si bu meste ajuda pa manda dukuméntus, kontakta Ajénsia di Akonselhaméntu Abitasonal (HCA) lokal. Bu ta atxa bu HCA lokal na massmortgagehelp.org/HCA

Es pode pidi-bu más algun dukuméntu dipos. Mésmu ki bu ka tene tudu dukuméntu nisisáriu, bu pode kualifika pa programa simê.



___ ID Válidu

Un di kes dibaxu:

- Karta Konduson ô Karton Identifikason Stadual
- Sertidon Nasiméntu di Mérka
- Pasapórti di Mérka
- Dukuméntus di imigrason ki DHS manda.



___ Stratu di ipotéka

Stratu di ipotéka **más risenti**, ta mostra peluménus 3 pagaméntu atrazadu



___ Konprovativu di rendiméntu

Tudu mutuáriu y ko-mutuáriu di ipotéka ten ki mostra konprovativu di rendiméntu. Pa kada mutuáriu, ta meste un dukuméntu di kes dibaxu.

Si bu sta **dizinpregadu y/ô ta resebe asisténsia**, intrega **un** di kes-li:

- Karta di binifísius di SNAP, TAFDC, EAEDC, SSI, ô SSP
- Karta di kualifikason di MassHealth
- Karta di binifísius di EEC
- Karta di binifísius di programa LIHEAP (asisténsia sirvisus públiku)
- Dukuméntus di dizenpregu di MA DUA

Si bu sta **inpregadu**, intrega **un** di kes-li:

- Risibu pagaméntu Más Riseni ku saláriu akumuladu n'es anu
- Dos stratu bankáriu más risenti, mostrandu dipóztu di rendiméntu

Si bu ta **trabadja pa kóna própriu**, intrega **un** di kes-li:

- Dos stratu bankáriu más risenti, mostrandu dipóztu di rendiméntu
- Dimonstrason di rizultadus trimestral ô anual risenti, sinadu y datadu (mínimu 3 mês)
- Diklarason di inpostu sinadu (IRS 1040)
- Diklarason inpostu kumersial, sinadu


Informason Adisional pa Pripara

- ✓ Ten otus mutuáriu na bu ipotéka? Tudu mutuáriu y ko-mutuáriu ta pididu Númeru di Siguransa Susial (SSN) ô Númeru di Identifikason Fiskal (NIF)..
- ✓ Otus mutuáriu/ko-mutuáriu ten ki sina un furmuláriu di Autorizason di Terserus (TPA). Es pode sina-l iletrónikamenti.



Kumesa Inskrison

1. Bai na massmortgagehelp.org y klika "**Apply Now**". Dipos, klika "**Register**".



2. Kria un kóna ku inderésu di email y sénha. Kel email y sénha ta pirmiiti pa bu volta pa konklui inskrison y djobe situason di bu inskrison.
3. Dipos di rijista, bu ta mandadu un kódtigu di uzu úniku pa email, pa bu konfirma bu kóna.
4. Atualizason sobri bu inskrison ta ben di massmortgagehelp@mhp.net y ta bai pa kel email ki bu poba. Ka bu skese di djobe pasta di Lixu.

Otus Língua: Inskrison sta disponível na várius língua. Bu pode skodje bu língua na kantu direitu diriba di fixa di inskrison.



Ajuda ku Inskrison

Pa informason jeral sobri Mass HAF ô novidades sobri bu kandidatura, txoma Sentral di Atendiméntu di HAF pa númeru di telefóni (833) 270-2953, di Segunda-Sésta, di 10:00 di palmanhan pa 8:00 di noti. Sirvisus di intérpriti sta disponível. Pa sirvisus di TTY (teletipu), txoma pa 711 déntu di Massachusetts.

Si bo ô algen ki bu konxe sa ta pasa pa un krizi di saúdi mental y/ô bu sa ta pensa na suisídiu (mata kabésa), **pur favor txoma ô manda un mensaji di testu pa 988**, ki é númeru nasional di suisídiu y krizi. Linha di Apoiu 988 pa Suisísiu & Krizi sta disponível 24 óra pa dia, 7 dia pa simana. Bu pode tanbe utiliza funson di konvérsa na pájina di internéti:

<https://988lifeline.org/contact-the-lifeline/>.

Si bu kre fala ku prufisionais kualifikadu pa avaliasons di saúdi mental y/ô indikasons rilasionadu ku saúdi mental, bu pode kontakta Linha di Apoiu pa Saúdi di Konportaméntu di Massachusetts, é sô txoma ô manda un mensaji di testu pa 833-773-2445 (BHHL). Kel linha di apoiu sta disponível 24 óra pa dia, 7 dia pa simana. Bu pode tanbe utiliza funson di konvérsa na pájina di internéti: <https://www.masshelpline.com/contact/#>